

## 4. Un vaqueiru na catedral d'Uviéu

- Lugar: Mudreiros, MIRANDA.
- Narradora: Celestina Berdasco Alonso, 89 años (1996).
- Recopilador : J. S. L.

**A** hora voi a *cuntale*... ése nu[n] lu teníamos apuntáu, mira:

Mia madre morriú de mal,  
 miou padre morriú de viechu  
 ya un harmanachu que tenía  
 morriú del mal postreiru,  
 ya you como'l más ruín  
 quedéime por heredeiru.  
 A cuachar ya barreñare  
 axuntéi un zurrón de queisu  
 ya garro'l miou palanquín ferráu  
 ya fui vendellu a Oviedu.  
 Vi *gente* entrar pa un mesón,  
 you tamién entréi, el primeiru,  
 ya miro p'atrás, veo un aguacil  
 cona boca chena ya las manos dientro,  
 alzo'l miou palanquín ferráu  
 di-ll y en mitá'l medio'l ciliebru,  
 sangre nun-ll y la saquéi  
 porque ia la *mejor* del cuentu,  
 pero llévar llévou qu'arrascar  
 pa siete meses ya mediu.

¡Ahí lu tienes! Outru. Pues teníatelu proyetau ési yá de muchu tiempu... si volvía a vete ¿eh?... ya nun parciste por aquí, pero... y aquel día acordéime, aquel día tábamos tomando'l sol el día que *tu* padre pasóu por... o llegóu a Modreiros...



4. *Un vaqueiru na catedral d'Uviéu*  
CELESTINA BERDASCO ALONSO  
Mudreiros, MIRANDA

---

Semeya: J. S. L.

